

eum processisse ad portam civitatis (in portis autem olim judicia ferri solebant) et solitam sibi preparari cathedram. Item y. 25 Job de se ait : *Cum sederem quasi rex, circumstante exercitu. Et cap. XIX, 9, conqueritur : Abstulit coronam de capite meo.*

Obj. I. Dicitur tantum quasi rex; ergo inde nihil solidi eruitur.

R. Neg. conseq., quia particula quasi non semper est alienans, ut patet ex Joan. I, 15, ubi dicitur : *Gloriam quasi unigeniti a Patre; Psal. CXXV: Facti sumus sicut consolati; et Marci VI: Quasi unus ex prophetis. Qui loci omnes juxta SS. Hieron. in cap. I Joan., Chrys. hom. 10 in Joan. et Aug. in Psalm. citatum proprie, non alienanter, accipi debent.*

Obj. II. Job in textu hebreo scribitur per litteram Aleph in principio, et Jobab incipit per litteram Jod.

R. initiales et finales litteras sepe mutari in hebreo, adeoque et hic nihil miri; maxime cum Aleph sit littera deficiens, ut dieunt Hebrei, quae aliquando habet vim littera Jod. Sic nihil in sententia aut in persona mutatur, sive nomen Balthasar scribatur in medio per S, sive per Z.

Obj. III. Eliphaz Themanites, et Baldad Suhites, et Sophar Naamathites consolatores Job, lib. Job, cap. II, describuntur tanquam reges. Atqui dum Jobab, quem nos dicimus fuisse Job, gubernavit Idumæam, unus tantum successive rex erat in Edom, ut patet ex toto contextu hujus capituli; ergo illo tempore Job non erat rex in Edom.

Respondet Pineda 1. quod, licet fuisse reges, nihil hic obcesset; quia potuerint ipsi regnare alibi, dum interim Job dominabatur in Edom.

Respondet 2. et forte melius, illos tantum fuisse regulos, seu alicuius civitatis dominos, uni tamen supremo subditos; ut sit in principibus imperii, ubi duces aliqui sano sensu sunt subditi imperatori.

Obj. IV. Jobab erat de Bosra in Idumæa, Job autem erat de terra Hus, ut patet ex Scriptura; ergo, etc.

R. terram Hus esse omnino conterminam Idumæam, et sub ipsa computari; ut in librum Job ostendit catus Pineda.

Porro tres fuerunt civitates nomine Bosra. Prima in regione Trachonitide, in sorte dimidia tribus Manasse trans Jordanem, Josue XXI. Secunda in regione Moabitide in sorte Ruben prope Jordanis influxum, Josue XX et XXI, ubi dicitur Bosor. Tertia istius nominis civitas erat in Edom; nam cum Edom semper conjungitur, v. g., Isaiæ XXXIV et XXXVI: item Amos II. Ex hac autem civitate videtur fuisse Job, sive Jobab; et sic fuit ex terra Hus, aut confinibus ejus. Unde S. P. Aug. lib. XVIII de Civ. Dei, cap. 47, ita scribit: *Job, qui nec indigena, nec proselytus, id est advena populi Israel fuit, sed ex gente Idumæa (hoc est, ex posteris Esäi) genus duicens, ibi ortus, ibidem mortuus est.*

Obj. V. S. Hieron. in Quæst. hebraic. super cap. XXXVI Gen. asserit Job fuisse ex stirpe Nachor, fratri Abrahæ; ergo juxta ipsius mentem non fuit ex posteris Esäi.

R. S. Hieron. Ioco objecto non ex propria mente,

sed ex sola relatione et fundamentis Hebreorum pergere. Nam verba S. Hieron. sunt hæc : *Et regnavit pro eo (nempe Bela) Jobab filius Zaræ de Bozra. Hunc quidam suspicuntur esse Job, ut in fine voluminis ipsius additum est. Contra Hebrei asserunt de Nachor eum stirpe generatum, ut supra dictum est. Ex quibus verbis manifestum est quod S. Hieron. tantum perget ex Hebreorum sententia. Quod autem a sententia nostra non fuerit alienus, patet ex Epist. ejus ad Therasiæ, ubi sic scribit: *Ad Job veniam... per Esau GENITUM..., inter EDOM PRINCIPES, qui Deo placent, INVENTUM.**

## CAPUT II.

*Hoc capite describuntur filii Jacob usque ad versum secundum. Quia vero ex Juda nasciturus erat David, ob quem potissimum hic liber scriptus videtur: y. 3 et seq. narratur progenies Judæ patriarchæ usque ad Isai patrem David fratrumque ac sororum ejus.*

QUESTIO PRIMA. — AN CALEB, DE QUO HIC y. 18, SIT  
ILLE CALEB FILIUS JEPHONE, QUI CUM JOSUE INTRAVIT  
TERRAM PROMISSIONIS.

Dicit Abulensis, quod glossa, vel explicatio hebreica putet, quod fuerit idem Caleb. Unde putant Hebrei, quod hic Caleb anno ætatis suæ octavo duxerit Azubam in uxorem, et ex ea anno nono genuerit Jerioth; post hunc natum, mortua Azuba, anno decimo duxerit Ephratam, quam putant fuisse Mariam sororem Moysis, ex qua genuit Hur; qui Hur anno octavo vite suæ pariter genuit Uri; qui Uri anno etiam octavo genuit Beseleel; qui Beseleel anno decimo vitæ sua cœpit fabricare arcam, et ornatum ejus.

Motiva autem eorum sunt hæc: Primum, quod isti Hur, Uri, et Beseleel, qui ponuntur hic, sint illi ipsi qui ponuntur Exod., XXXI. Jamvero iste Caleb, qui cum Josue intravit terram promissionis, eo anno quo egressus est Israel de Ægypto, nondum compleverat 39 annos: quia quando missus est ad explorandam terram, tantum erat 40 annorum, ut haberet Josue, XIV, 7: et tamen ista missio facta est anno secundo egressionis ex Ægypto; quia Israelites moverunt castra de monte Sinai anno secundo, die vigesima mensis ab exitu de Ægypto, ut patet Numer., X, 11. Postea vero habuerunt varias mansiones veneruntque in Cadesbarne, et inde miserunt exploratores; adeoque 58 annos ad summum cum aliquo mensibus habebat Caleb, cum egredereetur de Ægypto. Porro illi anni complentur, dum enumerantur juxta jam datam glossam.

Secundum motivum ipsorum est, quia putant quod Maria cum Jochabed matre sua fuerint duas obstetrics Hebreorum, quæ non curabant Pharaonis edictum; et quæ licet mentiendo peccaverint, tamen adiuvaviteis Dominus domos, ut dicitur Exod., I, 21: quem textum interpretantur hoc modo: Jochabed genuit Moysen et Aaron, atque ex his venit domus, et familia sacerdotalis; Maria autem nupta Caleb, qui erat de tribu Juda, et princeps in ea; adeoque illi Domi-

nus preparavit domum regalem, etc. Sed hoc fabulosum est. Hinc

R. et dico: Diversi plane sunt Caleb, qui est filius Hesron, et Caleb, qui cum Josue intravit terram promissionis.

Prob. I, ex refutatione alterius sententiae: Quia est contra textum Scripturæ, quod Maria et Jochabed ejus mater fuerint illæ obstetrics, de quibus Exod., I, 15 et seq. Nam obstetricum illarum una vocalatur Sephora, altera Phua, erantque verisimilius mulieres ægyptiæ; ut dictum est Quæst. IV in cap. I Exodi.

Prob. II. Inconveniens est, quod Caleb anno decimo etatis dicitur accepisse Mariam in uxorem. 1. Quia nequidem tunc, multo minus anno octavo, dum singitur duxisse Azubam, et ex ea genuisse prolem, erat aptus matrimonio. 2. Quia Maria in exitu de Ægypto erat ad minus annorum 90, Moyses enim erat tunc annorum 80, Maria vero erat facile 10 annis senior, ut dictum est Quæst. III in cap. I Exodi. Adeoque ipsa nubens Caleb decenni, fuisse circiter 62 annorum, quod ferit aures, præcipue cum Maria esset prophetissa, adeoque et summe honestatis.

Prob. III. Quia etiam constat ex nomine, quod sint diversi Caleb; siquidem Caleb, de quo agitur hic, est filius Hesron, alter vero filius Jephone.

Prob. IV. Hesron pater Caleb, de quo hic, ponitur inter illos qui cum Jacob leguntur ingressi Ægyptum Gen., XLVI, 13. Supponatur ergo Hesron anno 150 ab ingressu in Ægyptum (quod tamen appareat incredibile) genuisse Caleb: cum 215 annis manserint in Ægypto: debuisset Caleb fuisse missus exploratorus terram Chanaan sexagenario major; quandoquidem missus sit anno secundo post egressum ex Ægypto. Atqui Caleb, qui exploravit terram Chanaan illo anno tantum compleverat quadragessimum etatis annum, ut patet ex Josue XIV, 7; ergo, etc.

Prob. V. Non potuit Beseleel tantum esse decem annorum, quando cœpit fabricare arcam; quia Exod., XXXVI vocatur vir; quod dici non potest de puer decennali, in quo, licet Deus per miraculum dedisset scientiam extraordinariam, non probatur tamen dedisse robur, etc., hocque si factum esset, Scriptura non taceret.

Dices: Caleb, de quo hic, habuit filiam nomine Achsam seu Axam, ut patet ex y. 49; atqui ex Josue, XV et Judic., I liquet, quod Axa fuerit filia Caleb, qui cum Josue intravit terram promissionis; ergo, etc.

R. Neg. conseq. Quia sœpe in diversis familiis et civitatibus convenient nomina parentum et filiorum, qui tamen nullam habent inter se cognitionem, multo minus identitatem. Sic patriarcha Jacob genuit Joseph dominum Ægypti, et alias plane Jacob genuit Joseph virum Marie. Sic ergo etiam, propter fundamenta supra allegata, dicendum est, quod alias fuerit Caleb, et alia Axa, de quibus hic; et alias, et alia, de quibus agitur in lib. Josue et Judicum.

QUESTIO II. — DE QIBUSDAM ALIIS AD HOC CAPUT  
SPECTANTIBUS.

Petes 1. quomodo Jair, qui erat de tribu Juda, hic y. 22 potuerit obtinere 23 civitates in terra Galaad, in qua erat sors tribus Manasse, ut patet ex Deuter., III, 13, et Josue, XIII, 31, cum lege prohibatum sit, ne bona unius tribus devolvantur ad aliam, Numer. ult., y. 9.

Dieunt aliqui quod ideo hanc possessionem obtinere potuerit, quia Hesron genuit ex filia Machir Segub, qui Segub genuit Jair; adeoque successit in jura avicæ sue, eo quod Machir ejus abavus forte postea caruerit prole mascula; sive potuit succedere in bona tribus Manassis. Sed id dici non potest, quia Numer., XXVI, 29 et seq., numerantur filii Machir, corumque familie: ac consequenter verum non est quod postea caruerit prole mascula.

Alii explicant, quod illæ civitates primitus pertinenter ad sortem Manasse, sed quod Jair seu ejus posteri eas captas ab hostibus recuperaverint, et sibi retinuerint; sicut juxta aliquos tribus Juda cepit Jerusalem, et sibi tenuit, que tamen erat in sorte tribus Benjamin. Verum haec est mera conjectura nullum habens fundamentum: de illa enim interceptio ne et recuperatione 23 civitatum haud dubie loqueretur Scriptura: nam esset factum memorabile. Unde

R. verisimilius esse, quod Segub a Machir fuerit adoptatus tanquam filius, quia natus erat de filia ejus; sive tam ipse, quam filia ejus, cæterique posteri sunt tribui Manasse connumerati. Sieuti ergo vi adoptionis, Gen., XLVIII, a patriarcha Jacob factæ, filii Joseph, Ephraim et Manasses, constituerunt dupli cem tribum, dupli cemque portionem in terra promissionis obtinuerunt; ita pariter Jair vi adoptionis potuit obtinere 23 civitates in terra Galaad: nam licet vi generationis naturalis esset de tribu Juda, vi tamen adoptionis censebatur de tribu Manasse: et sic obtinendo istas civitates non deliquit contra legem, Numer. ult.

P. 2. quomodo hic y. 31 dicatur: *Sesan genuit Oholai. Et y. 34: Sesan non habuit filios, sed filias; et servum ægyptium nomine Jeraa.*

Respondent aliqui, quod Oholai quidem fuerit filius, sed mortuus ante patrem; adeoque posteritas tantum erat speranda ipsi Sesan ex filia. Sed

R. verisimilius Oholai nomen esse filiæ datae servo ægyptio; atque in secundo textu vocem filias ponit pro filiam.

Porro dedit eam Ægyptio potius, quam alteri ex sua tribu, ut, cum ipse non haberet filium, posset eidem per suam filiam habere posteritatem tanquam suam: si enim ex sua tribu, vel etiam ex aliæ dedisset virum filiæ, ejus filii transivissent ad lineam progenitorum paternam, adeoque censeretur emorta linea Sesan. Cum vero Ægyptius ille non haberet maiores inter Hebreos, ad quos referri poterant posteri: facto hoc matrimonio, recurrente erat finis

liter ad Sesan, in cuius bona cum marito successit Ohlai, eorumque posteri.

Dices: Factum illud repugnat praecepto Domini de non ducendis alienigenis, item legi Num. ult. Atqui non est verisimile, quod Sesan et consanguinei ejus permisissent matrimonium cum alienigena, et praesertim cum Aegyptio; ergo, etc.

R. quod indubie conversus jam esset ille Aegyptius, neque enim cum non conuerso permisissent illud matrimonium amici et cognati, multum tunc timentes Deum. Excusatur igitur Sesan, quia, conuerso tunc Aegyptio, non erat amplius periculum subversionis, ad quod cavendum illa matrimonia prohibita fuerunt.

Præterea videtur servus ille specialiter a Sesan amatus et adoptatus, cum dicatur: Sesan non habuit filios, sed filius; et servum aegyptium. Quod procul dubio signum est majoris amoris et adoptionis; sieque de tribu sua accepit moraliter virum filiae sue: quia adoptati habentur ejusdem tribus cum adoptantibus.

## CAPUT III.

Hoc capite recensentur generationes David, et regum Iuda ex progenie David, cum filiis ac filiabus eorum.

## QUESTIO PRIMA. — DE FILIIS DAVID NATIS EX BETH-SABEE.

Dico 1: Versu 5 numerantur quatuor filii David de Bethsabee, inter quos ordine nativitatis primogenitus fuit Salomon, ut liquet ex II Reg., XII; ubi illlico post mortem infantis ex adulterio nati conceptus et genitus legitur Salomon. Siquidem ibidem §. 24 dicitur: Et consolatus est David Bethsabee uxorem suam (lungenum infantis sui mortem) ingressusque ad eam, dormivit cum ea; quæ genuit filium, et vocavit nomen eius Salomon.

Dices: Salomon hoc cap. loco ultimo ponitur inter filios Bethsabee; ergo non fuit primogenitus.

R. Neg. conseq., quia hic non servatur ordo temporis et nativitatis, ut nec alibi subinde. Sic enim Gen., XLIX alio ordine recensentur et benedicuntur filii Jacob a patre, quam ab eo geniti sint Gen., XXIX et XXX. Videtur autem Salomon hoc cap. ultimo loco ponni, quia per eum facta est successio usque ad Christum, quæ hic incipit describi.

Dico 2: Putant aliqui, quod tres priores, qui §. 5 recensentur, fuerint filii Uriæ, ad resarcendam aliquo modo adulterii et homieidii injuriam, a Davide in filios adoptati; dicuntque Salomonem fuisse unigenitum eorum matre sua, ut se vocat, Prov. IV, 3.

Verum evidens est contrarium ex textu, quia expresse dicitur: In Jerusalem nati sunt ei (David) filii quatuor de Bethsabee. Porro particulae nati sunt ei important actionem generantis, non adoptantis. Locus autem Prov. IV nihil aliud importat, quam Salomonem a matre sua præ reliquis fuisse dilectum, prout etiam LXX transferunt. Nec potest in rigore sumi vox unigenitus: quia certum est quod ille parvulus,

qui ex adulterio genitus, et ante diem octavum mortuus est, sit filius David ex Bethsabee.

Accedit, quod Luca III texatur genealogia Christi per Nathan, qui hic inter filios Bethsabee numeratur: si vero Nathan fuisset adoptivus filius David, secundum eam lineam Christus magis proprie esset ex Uriæ, quam ex David.

Dico 3: Non numerantur etiam hoc loco filii concubinarum David: tacentur vero tum hi, tum et principalium uxorum filiae, quia ius non habebant ad hæreditatem, nec per eos posteritas parentis erat celebra, aut aliquid præclarum gestum est.

## QUESTIO II. — QUID CENSENDUM SIT DE FILIIS JOSIE.

Nota, quod IV Reg. XXIII et XXIV nominentur hi tres filii Josie: primus Joachaz, quem captivum abduxit Pharaon Necho; secundus Eliacim, quem ille rex Joakim nominavit, quando eum loco fratris regem constitut; tertius Mathanias, quem Nabuchodonosor vocavit Sedecias, qui post novem annos rebellis Nabuchodonosori, devictus, execratus et captivus duetus est in Babylonem.

Hic autem §. 15 dicitur: Filii autem Josie fuerunt, primogenitus Johanan, secundus Joakim, tertius Sedecias, quartus Sellum. Atque hinc oritur multiplex difficultas de numero, aetate et nominibus eorum. Quia vero vox Sellum idem significat quod consummatio: ideo putant aliqui, quod omnes habuerint illud nomen commune; eo quod essent futuri reges ultimi ex stirpe David. Alii putant, quod Mathanias, qui et Sedecias, proprio vocatus sit Sellum, quia sub ipso facta est captivitas babylonica, quicunque sano sensu tertius, et quartus vocatur; tertius scilicet nativitate, et quartus regno, quia ante eum regnaverunt filii fratris et duo fratres.

Ei quidem specientibus haec opinio est plausibilis, sed obstat Jeremias tempore regnantis Sedeciae de Sellum vaticinans, quod abductus in Aegyptum, non reverteretur in Jerusalem. Hinc alii dicunt, quod ille qui IV Reg., XXIII dicitur Joachaz, et hic vocatur primogenitus Johanan, dici debeat Sellum. Vocatur autem hic primogenitus, non nativitate, sed regno: frater enim ejus multo senior fuit aetate. Verum et haec sententia difficultates habet: Quia sic primus et quartus idem essent; cum tamen textus agat tantum de quatuor diversis. Unde

R. inhaerendo textui, prout hic clarus est, quatuor fuerunt filii Josie; quorum primus est Johanan, qui a variis putatur mortuus antequam posset paternum solium occupare, verisimilius in expeditione contra Aegyptios cæsus cum patre.

Secundus est Eliacim, quem Pharaon Necho vocavit Joakim, qui etiam dictus est Jechonias.

Tertius est Joachaz, qui etiam Sellum dicitur. Hic tertius assumptus a populo, primus post Josiam regnavit, sed a rege Aegypti tertio mense regni sui captivatus est, et mortuus in Aegyptio, ut prædictum Jeremias, cap. XXII.

Quartus est Mathanias, qui a Nabuchodonosore

rege Babylonis dictus est etiam Sedecias, sub quo facta est desolatio Jerusalem et templi.

Post Joachaz regnavit Eliacim, quem hic diximus secundum filium Josie, idque per annos 11; cui succedit Joachin filius ejus, qui post trium mensium regnum, captivus abductus est a Nabuchodonosore, in ejus locum suffecto patruo ejus Matthania, seu Sedecia. Hic autem occisis in conspectu filiis, mox execratus, ductus est in Babylonem, et ibi misere mortuus.

Porro ex secundo Josie filio Eliacim vel Joakim texitur generatio Christi hoc modo: Ipse genuit Joachin, qui tamen etiam dictus est Jechonias, quem admodum et pater; adeoque Jechonias genuit Jechonias: Jechonias secundus genuit Salathiel, etc.

Dices: Joachin seu Jechonias secundus fuit sterilis, ut habetur Jeremias XXII, 50; ergo non genuit Salathiel.

R. quod Jeremias se explicet addendo: Nec erit de semine ejus, qui sedeat super solium David et potestatem habeat ultra in Iuda. Adeoque predixit Jeremias, quod Joachin non esset habiturus filios simpliciter, sed filios reges, seu habentes potestatem regiam in Iuda. Unde hic §. 17 legitur habuisse octo filios. Ita inter alios locum objectum explicat S. Hieron. in cap. XXII Jeremias ita scribens: Quomodo stare possit propheta, de stirpe ejus nullum esse generatum, qui sederit super thronum David, nec princeps ultra fuerit in Iuda, cum Dominus atque Salvator de hujus natus sit semine: super cuius ortu loquitur Gabriel ad Mariam: Ecce concepies in utero, et paries Filium, etc. Et dubit ei Dominus sedem David patris sui, etc. Respondeamus igitur, quod in diebus Jechonias non successerit ei vir, qui sederit super thronum ejus, sed multo post tempore de semine ejus natus sit, qui solium ejus obtinuerit. Potest autem et sic solvi: Non debit quidem super thronum David vir, et homo, sed debet Deus: regnumque ejus non erit terrenum et breve, ut fuit David, sed perpetuum atque celeste.

## CAPUT IV.

Capite quidem secundo numerati sunt filii et posteri Iudeæ, sed per Phares et Zaræ tantum. Ne ergo generatio Selæ, qui erat junior filius Iudeæ, taceretur: hoc capite regreditur Scriptura ad enarrandam generationem ejus. Deinde etiam subiungit generationem Simeonitarum.

QUESTIO UNICA. — AN PLUS QUAM SEMEL, NEMPE JOSUE X, 14, SOL STETERIT.

Secundam stationem videtur hic textus insinuare, dum §. 22 dicitur: Et qui stare fecit solem, virique Mendacii, et Securus, et Incendens. Accedit traditio Hebraeorum apud autorem lib. Tradit. hebrei. in lib. Paralip., ubi resertur, quod Elimelech, vir Noemi, pater Mahalon et Chelion, stare fecerit solem, ut Bethlehemitæ peccatores converterentur; quibus in peccato persistentibus, ita famæ invaluit, ut ille ipse, Quantumvis princeps, præ inopia abire cogeretur

cum filiis in terram Moab, in qua et cum suis mortuus est.

Alii narrant illam solis stationem factam esse ob avaritiam Elimelech, qui nec hoc portento commotus, ita punitus est, ut ipse cum filiis in Moab præfame mortuus sit. Verum

R. mera haec rabbinorum fabula de solis statione.

1. Quia agitur de posteris Sele. Atqui Elimelech fuit de posteris Phares; ergo, etc.

2. Quia §. Qui stare fecit solem interpretatio est nominis proprii alicuius magni viri, qui vocabatur Joacim, seu, ut Hebrei legunt, Jokim. Jamvero Joacim, seu Jokim idem significat quod sustinens, stare faciens, vel confirms: unde quidam ex rabbinorum fabula, in margine adjecterunt solem; quæ vox postea in textum irrepsit, ait Serarius in cap. X Josue, Quæst. 25: vel potius, quia Josue, eo quod steterit solem, ab Hebreis cognominatus est Jokim, seu stare faciens, scilicet solem: atque hinc Jokim ex vulgari usu significabat idem quod stare faciens solem; ac propterea interpres noster loco Joacim, vel Jokim posuit: Qui stare fecit solem.

3. Correcta Biblia pro quæ reversæ sunt (in adversiorum sententia, Noemi et Ruth) ponunt: Qui reversi sunt. Jamvero Mahalon et Chelion non sunt reversi, sed in Moab mortui; adeoque ipsi non vocantur Securus et Incendens, prout in alia sententia vocantur.

Addit, quod viri Mendacii designant distinctas personas ab illis quæ significantur per vocem Securus et Incendens, ut patet ex copula et, quæ interjicitur, et diversa jungit.

4. Elimelech non est Jokim, nec significat qui stare fecit solem, sed significat Deus rex, vel Dei mei rex; nec Mahalon significat securum, sed infirmum, vel, ut vult Abulensis, qui chorum agit fistulamque inflat: Similiter Chelion non significat incendentem, sed confectum, aut perfectum. Præterea nec illi fuerunt principes in Moab, sed peregrini, egeni et famelici.

Unde hic Jokim, cuius nominois interpretationem hoc cap. ponit S. Hieronimus, videtur fuisse vir insignis, prudentia et fortitudine quasi similis Josue; atque ita, æque ac Josue, vocatus fuit Jokim; sicut etiam modo viros fortes vocamus Samsones, etc. Similiter viri Mendacii, Securus et Incendens sunt interpretationes nominum propriorum, quæ nomina propria retinent LXX cum Pagnino et Vatablo, qui sic habent hoc loco: Joacim quoque et viri Chozeba, et Joas et Sarah, qui dominati sunt in Moab. Chozeba idem significat, quod mendacium, Joas idem quod securus, Sarah idem quod incendens.

Potes unde venerint Amalecites, de quibus hic §. 43 dicitur: Et percusserunt (Simeonites) reliquias, quæ evadere potuerant, Amalecitarum, et habitaverunt ibi pro eis usque ad diem hanc.

Ratio dubitandi est, quia Saül I Reg., XV ex mandato Dei funditus delevit Amalech: hæc vero historia accidit sub Ezechia, qui multis annis Saüle est posterior.

Dicunt aliqui, quod Amalecites, de quibus hic fuerint reliquiae eorum qui evasere manus Saül. Sed hoc non videtur verisimile: nam Saül omnes in flagranti depravatione occidit, excepto Agag rege eorum, qui tamen postea in frusta fuit concisus a Samuele. Unde nullus videtur fuisse fugae locus.

R. quod Amalecites hic a Simeonitis deleti, fuerint ex posteris illorum 400 virorum qui evasere manum David, quando percussit latrunculos, qui incenderant urbem Siceleg, I Reg. XXX; qui post fugam se recesserunt in montem Seir, atque multiplicati non semel vexavere Simeonitas. Unde hi sub initium regni Ezechiae eos occiderunt. Sed fructu hujus victoriae non diu gavisi sunt Simeonites: nam deserentes Deum, anno sexto regni Ezechiae a Salmanasar captivi abducti sunt in Assyriam, IV Reg., XVII et XVIII.

## CAPUT V.

Recensentur posteri tribus Ruben, Gad, et dimidia Manasse, qui vicinos Chananæos e regionibus suis ejerunt sub Joathan rege Juda.

QUEMADAM RESOLVUNTUR. — Petes 1. an catalogus filiorum Ruben, etc., qui hic texitur, sit similis catalogo filiorum Juda.

R. negative. Quia filii Juda per continuam successionem numerantur; quia ex tribu Juda est David, et ex Davide Christus erat nasciturus. Hic autem tantum pauci principes tribus Ruben, Gad, et dimidia Manasse recensentur, qui certo tempore, v. g., viente Jeroboamo, vixerunt vel numerati sunt.

Petes 2. quid y. 42 velit Scriptura dicens: *Joel in capite.*

R. cum Hebrei legant: *Joel caput*, denotatur quod primus princeps inter Gaditas fuerit Joel, secundus Saphan, etc.

Petes 3. quis sit Jeroboam, de quo hic y. 47.

Menochius et Abulensis putant, quod sit primus Jeroboam filius Nabat, qui tempore Roboam regnavit super decem tribus; de quo, ait Menochius, quia est celebrior, sermo esse videtur, cum nihil aliud addatur. Attamen

R. et dico, quod Jeroboam, de quo hoc cap. agitur, sit abnepos Jebu, qui convixit Amasie regi Juda, ut patet ex IV Reg., XIV, 25, ubi dicitur: *Anno quintodecimo Amasie filii Joas regis Juda, regnavit Jeroboam filius Joas regis Israel in Samaria, quadraginta et uno anno.* Adeoque 14 annis Jeroboam regnavit cum Amasia, qui in toto regnavit 29 annis, ut dicitur mox cit. cap. lib. IV Reg., y. 2. Porro Amasie regi Juda successit Azarias, qui in regno complevit 52 annos, IV Reg., XV, 2.

Ad rationem in oppositum dico, quod Scriptura sufficienter distinguit Jeroboam secundum a primo designando Amasiam, et Joathan reges Juda, qui primo Jeroboamo non potuerunt esse coævi; et consequenter bellatores, de quibus hic y. 47 agitur, in diebus ejus enumerari non potuerunt.

Cap. VI, texitur genealogia levitarum, et aliqua

occurrit difficultas circa versum 10, qui sic habet: *Johanān genuit Azariām, ipse est qui sacerdotio functus est in domo quam adificavit Salomon in Ierusalem.*

Ratio autem difficultatis est, quod iste Azarias non tempore Salomonis, sed diu post ipsum tantum fuerit pontifex; adeoque non fuit ipse primus qui in templo sacerdotio functus est; ob quod tamen aliqui illud hic ponit autamt.

R. scripturam non velle indicare, ipsum fuisse primum, cum tantum sit quartus post Sadoc; sed voluit specialiter laudare Azariam, quia fuit summus templi et sacerdotii zelator contra regem Oziam: Azarias enim sperto timore regis, cum 80 aliis sacerdotibus ipsum regem e templo ejet dicens: *Non est tui officium Ozia, ut adoleas incensum Domino*, II Paralip. XXVI.

## CAPUT VII.

Describitur genealogia Issachar, Benjamin, Neptali, Manasse, Ephraim, Azer.

QUESTIO UNICA.—*QUID RESOLVENDUM DE FILIIS EPHRAIM.*

Vers. 1: *Porro filii Issachar, etc.* Recensentur hic aliqui posteri reliquorum filiorum Jacob: de descenditibus autem Dan et Zabulon altum ubique silentium in hoc libro servatur: nam cum libri Paralipomenon maxime conscripti sint ad revocabendum in memoriam viros insigniores; talesque in illis tribibus non fuerint, quin sufficienter alibi exprimantur: opus non erat illos hic inserere.

Quia vero tum per sacerdotes, tum per levitas memorabilia quedam facta eluxerant; et disponente Deo primus rex ex tribu Benjamin assumptus fuerat; atque ex tribu Juda continuati reges usque ad captivitatem babyloniam: familias illas præ reliquis in hoc libro multo amplius dilatavit Esdras; quamvis et fatendum sit, quod plures ex iis omiserit, ne texendus hic catalogus in immensum excreceret.

y. 2: *De stirpe Thala viri fortissimi numerati sunt in diebus David;* puta dum subactis hostibus ex quadam vana gloria populum jussit numerari, infra cap. XXI.

y. 20: *Filiī autem Ephraim: Suthala, etc.* De filiis Ephraim queri solent sequentia. 1. An fuerint filii Ephraim patriarchæ. 2. An omnes hic enumerati, constituant diversas generationes, ita ut unus ab altero successive genitus sit. 3. An illi, de quibus agitur y. 25, sint filii Beriae, an vero ipsius Ephraim. Ad hæc autem quæsita elucidanda

R. et dico 1: Illi qui hic y. 20 enumerantur et postea a Gethæis occisi sunt, sunt filii patriarchæ Ephraim: ac proinde non admittimus sententiam eorum qui asserunt hunc Ephraim, qui hic dicitur luxisse filios suos occisos a Gethæis, fuisse diversum ab Ephraim patriarcha, et longe eo posteriore, sed tamen ex eadem tribu.

Prob. I. Quia hic liber texit generationes patriarcharum Israel; et dum dicit, v. g.,: *Filiī Ruben, filii Simeon, filii Levi, etc.*, intelligit patriarchas Ruben, Simeon, Levi, etc. Ergo hic similiter, dum

dicit, *Filiī Ephraim*, intelligit patriarcham Ephraim,

Prb. II. Quia hic texit genealogiam filiorum Joseph; et primo agit de filiis Ephraim, deinde agit de filiis Manasse. Atqui per Manassen intelligit patriarcham Manassen, filium Joseph; ergo similiter per Ephraim intelligit patriarcham Ephraim, alterum filium immediatum Joseph.

Obj. I. Ephraim, de quo hic agitur, habuit filiam nomine *Saram*, ut patet ex y. 24. Atqui ista Sara non fuit filia patriarchæ Ephraim; ergo, etc.

Prob. min. Quia versu mox citato dicitur illa filia adificasse tres civitates; id est, bello Israeliticæ destrutas restaurasse; scilicet Bethoron inferiorem et superiori, et Ozensara. Atqui id a filia patriarchæ Ephraim fieri non potuit; utpote cum filii Israel non exierint Ægypto, nisi tota cognatione priori jam diu mortua, ut constat ex cap. I Exod., y. 6, et annos 40 manserint in solitudine: post quod tempus superstes esse non potuit patriarchæ filia adificandis illis civitatibus apta.

R. Disting. min. Sara non fuit filia immediata patriarchæ Ephraim; concedo: non fuit filia mediata, seu una ex nepibus ejus; nego min. Et similiter distincta minore probationis, dico, istam Saram fuisse unam ex posteris Ephraim, que diu post mortem ejus nata fuit; cuius tamen ideo hic videtur fieri specialis mentio, quia per eam aliquid præclarum gestum est.

Obj. II. Filii Ephraim fuerunt occisi a Gethæis, quia descenderant ut invaderent possessionem eorum. Atqui patriarcha Ephraim erat diu mortuus, antequam ejus posteri venerint in terram Chanaan, et oppugnarent Gethæos; ergo, etc.

R. Neg. suppositum, nempe quod filii Ephraim, de quibus hic agitur, invaserint Gethæos: nam quod loco citato dicitur, *quia descenderant*, etc., non debet intelligi de Ephraimitis, sed de Gethæis; qui Gethæi descenderant in Ægyptum, ut invaderent possessiones Ephraimitarum: idque videtur erui ex textu hebreo, in quo habetur: *Ut invaderent greges*; et LXX habent: *Pecora*. Atqui filii Israel in Ægypto abundabant pecoribus, et dum venerint in terram Chanaan, non invaserunt pecora, sed urbes Chananæorum; ergo in conflictu, de quo hic fit mentio, non Ephraimitæ fuerunt invasores, sed Gethæi. Hinc

Dico 2. Quinque primi filii, de quibus agitur y. 20, fuerunt filii immediati patriarchæ Ephraim; et consequenter hic non enumerantur successive descendentes a se mutuo per octo diversas generationes.

Prob. Quia Ephraim post occisos omnes istos suos filios genuit Beriam, ut patet ex y. 25. Atqui incredibile, imo impossibile est, quod iste patriarcha habuisse octo successivas generationes, et postea adhuc capax fuisset ad generandum; ergo, etc.

Prob. min. Quia patriarcha Ephraim natus erat antequam Jacob intraret in Ægyptum, ut patet Gen., XL, 50; imo eo tempore facile habebat septem annos; siquidem Joseph pater ejus accepit uxorem anno ætatis sue trigesimo, ut eruitur ibidem ex y. 43 et 46; dum autem Jacob intravit Ægyptum, Joseph

erat 59 annorum, uia monstratum est Quest. II in cap. XXX Genesis. Deinde post introitum Jacobi in Ægyptum Joseph adhuc vixit 71 annis, adeoque mortuo Joseph, Ephraim erat 78 annorum. Jamvero Joseph videt Ephraim filios usque ad tertiam generationem, ut habetur Gen., L, 22. Ergo si generationes fuerint successivæ, ex filiis Ephraim hic y. 20 enumeratis potuit tantummodo vidisse Suthalam, Bared, et seniorem Thahath.

Supponamus jam ulterius, quod Thahath eo anno, quo mortuus est Joseph, attigerit annos pubertatis, et anno sequenti, qui erat ætatis Ephraim septuagesimus nonus, genuerit Eladam, et hic anno ætatis sue decimo quinto genuerit juniorem Thahath, et hic similiter anno decimo quinto genuerit Zabad, et Zabad rursus anno decimo quinto genuerit Suthalam, et hic denique etiam anno decimo quinto genuerit Ezer et Elad: qui duo ultimi supponantur tantummodo habuisse 12 annos, dum occisi sunt a Gethæis; sequitur quod tunc Ephraim habuerit 151 annos. Atqui incredibile et impossibile appareat, quod Ephraim in tanta ætate genuisset Beriam: imo quod plus est, nequidem ad tantam ætatem videtur pervenisse; quandoquidem tunc temporis homines communiter non tandiū viverent: ergo quinque primi filii non fuerunt successive descendentes a se mutuo; sed fuerunt filii immediati patriarchæ Ephraim.

Obj. I. Quando in hoc lib. Scriptura utitur haec forma *filius ejus*, successivas designat generationes, ut patet ex cap. VI, 21 et seq., ac alibi scipius. Atqui etiam hic y. 20 utitur haec forma *filius ejus*; ergo et hic successivas designat generationes.

R. N. conseq. Nam licet ista forma, *filius ejus*, sepe in hoc lib. intelligatur de successivis generationibus, tamen nimis graves rationes obstant, ut hic hoc sensu intelligatur: siquidem, ut jam monstratum est, Ephraim post octo successivas generationes non fuisset amplius capax ad generandam Beriam. Præterea quod per τὸ *filius ejus* hic non designantur successive generationes, videtur satis patere ex modo quo pergit Scriptura: nam dum illas designat, non amplius dicit *filius ejus*, sed *filius hujus*, ut patet hic ex littera, qua ita habet: *Hujus filius Zabad, et hujus filius Suthala*, etc.

Obj. II. Bis hic ponitur Thahath. Atqui est contra præmissum familiarum duos filios eodem nomine vocare, quandiu prior vivit; ergo, etc.

R. Neg. min. Nam cum et bōdiedum duos fratres, et duas sorores subinde idem nomen habere videamus: nihil implicat quominus etiam duo filii Ephraim idem nomen habuerint.

Dico 3. Illi tres, de quibus agitur y. 25, non sunt filii Beriae, sed ipsius Ephraim.

Prob. quia omnia, quæ hic dicuntur a y. 22 usque ad y. 25, intelliguntur de patriarcha Ephraim, ut liquet ex textu, qui ita sonat: *Luxit igitur Ephraim... multis diebus, et venerunt fratres ejus ut consolarentur eum. Ingressusque est ad uxorem suam: quæ concepit et neverit filium, et vocavit nomen ejus Beria, eo quod*